


Sprüchli und Versli für kleine Leute



„ Guten Morgen“ – Zeit für Spiele und Rituale

Guete Tag, guete Tag, jubelt s'Finkli uf em Haag,
ruschet s'Bächli vorem Huus, Chinde gschwind zum Bettli uus!

Guete Tag, guete Tag d'Sunne lüchtet was sie mag,
d'Blüemli stönd im Morgetau, ihri Herzli lüchtet au!



Sonnenvers (*Orginalfassung: Lied von Gerda Bächli*)

Gross und schön isch d'Sunne, warm isch ihres Liecht;
und ich weiss nid was mer ohni Sunne miecht.

*mit gestreckten Armen
einen grossen Kreis machen*

Chunnt en dicki Wolkä, wo si ganz verdeckt,
doch scho seit si: "Do bin i, ich han mi nur versteckt!"

*Hände vor das Gesicht führen,
rasch öffnen, herausgucken*

Guten Morgen ihr Leut,
was machen wir heut?
Erst anziehen:
Rechtes Bein, linkes Bein
schlüpft das Kind ins Höschen rein.
Rechter Arm, linker Arm,
so hat das Kindchen warm.
Rechter Schuh, linker Schuh,
und die Mutter bindet zu.

So ihr Leut,
schön sind wir heut.

Wänn mis Büebli/Meiteli laufe cha,
mues es Schue und Strümpfli ha,
Und en nagelneue Huet,
Dänn gfallt's de Lüte guet.



Turnen und Freude an Bewegung

Joggeli chasch au ryte? Ja, ja, ja.

Häsch d'Bei uf beide Syte? Ja, ja, ja.

Häsch em Rössli z'esse geh? Ja, ja, ja.

Häsch em Rössli z'trinke geh? Nei, nei, nei!

Dänn rytet mir zum Brunne und rytet drü Mol ume,

do macht das Rössli tripp und trapp und wirft de Joggeli hinde ab!

Das isch höch und das isch tief.

Das isch grad und das isch schief.

Das isch dunkel und das hell.

Das isch langsam und das schnell.

Arme nach oben und unten

Oberkörper mit ausgebreiteten Armen neigen

mit Händen Augen schliessen

langsam und schnell Hände kreisen

Tschipfu, tschipfu en Isebahn chunnt,

Chinde gönd uf d'Site,

wer im Sack es Bilett hät,

de dörf mit go rite.



Brüderchen, komm tanz mit mir. Beide Hände reich ich dir.
Einmal hin, einmal her, rundherum, das ist nicht schwer.

Mit den Händen klapp, klapp, klapp, mit den Füßen trapp, trapp, trapp! Einmal hin, ...
Mit dem Köpfchen nick, nick, nick, mit den Fingern tick, tick, tick! Einmal hin, ...
Ei, das hast du gut gemacht, ei das hätt ich nicht gedacht. Einmal hin, ...
Noch einmal das schöne Spiel, weil es mir so gut gefiel. Einmal hin, ...

Sunnechringeli, Röselichranz! Chum, mis Chindlli, chum zum Tanz.
Einmal hii, einmal her, zringelum, das isch nöd schwer.

Mit de Händli klatsch, klatsch, klatsch, mit de Füessli trapp trapp trapp! Einmal hii ...
Mit em Chöpfli nick nick nick, mit dä Finger tick tick tick! Einmal hii ...
Jetzt fünd mir vo vorne a, will i grossi Freud dra ha. Einmal hii ...

Kitzelspiele für kleine Leute beim Wickeln und Baden

Es chunnt en Bär.

Wo chunnt er här?

Wo wott er us?

Is [*Name des Kindes*]-Huus?

*Mit den Fingern das Bärentrappeln nachmachen
und das Kind kitzeln.*

Händli wäsche , Händli wäsche,


suber, suber wäsche!

Gsichtli wäsche, Gsichtli wäsche,

suber, suber wäsche!

Füessli wäsche, Füessli wäsche,

suber, suber wäsche!



Für alle Fälle

Dä seit: „Pötz, häsch du viel Sache!“

Dä seit „Söttisch Ordng mache!“

Dä seit „S’wird jo immer schlimmer!“

Dä seit „Pfui, das Gnusch im Zimmer!“

Doch de Chlinscht, dä kennt das scho

und seit: “Mir isch es wohl eso...”

Lorenz Pauli



Dr Hansdampf im Schnäggelech

hät alles was er will

und was er will, das hät er nid

und was er hät, das will er nid

Dr Hansdampf im Schnäggelech

hät alles was er will...



Räge Rägeträpfli

es regnet uf mis Chöpfli.

Wenn's ragnet werded d'Blüemli nass
Und alli Steinli uf dr Gass.

Oh du goldigs Sünneli,

Tue doch wieder schiine
Bitte bliib dä ganz Tag do,
dass mir chönd verruse go
singe, tanze, springe.
Tue doch wieder schiene!

Brumm, Brumm, Brumm

Min Mage isch leer.
Er knurrt scho wie en Teddybär
brumm, brumm, brumm,
...
En Guete mitenand!

Räge Rägeträpfli,

es ragnet uf mis Chöpfli.

Es ragnet abe is grüene Gras,
do werdet mini Füessli nass.



Fingerverse erzählen Geschichten

Dä goht uf Afrika

Dä luegt em truurig noh,
Dä winkt ade, ade
Dä seit: Uf Wiederseh
Und dä rüeft: Pass uf am Nil,
do hätt's es grosses Krokodil!

mit beiden Armen zuschnappen

Dä isch in Bach gfalle,

dä hät ne usezoge,
dä hät ne hei treit,
dä hät ne is Bett gleit
und dä chlii Luusbueb hät alles em Papi und em Mami gseit!



Fuf Söili chömed z'laufe.

De Puur wott's go verchaufe:
s'Schnüffelnäsli,
s'Ringelschwänzli,
s'Gwaggelöhrli,
s'Chugelränzli.
Aber s'Chlinscht, s'Wädlibei,
seit: mir springet alli wieder hei!

Hand verschwindet auf den Rücken

Heile heile Segen- Trostrituale




Heile, heile Säge,
drü Tag Räge,
drü Tag Schnee,
s'tuet em/dä *Name des Kindes* nümme weh.

Dä seit Hatschi
Dä seit Gsundheit
Dä seit danke
Dä seit bitte
und dä chli Stumpe
schnützt grad in Naselumpe.

Wickle, wickle, je - oje,
dä Finger tuet mir hüt so weh!
Und wägg, und wägg und immer meh –
Jetzt tuet dä Finger nümme weh!

*Finger kann mit " Schnurverband"
ein- und ausgewickelt werden*



Guten Abend, gute Nacht

De Tag vergoht, bald isch es spot;
es Sternli scho am Himmel stoht.
Es will vo jetzt a bi dir si.
Mis Kind schlof i, schlof i.


Hanni Juon

Lösch s'Liechtli uus!

Is Bett du chlini Muus!
Nimm dä Bärli fescht in Arm
und gib ihm recht warm.

Für grössere Kinder

Pünktli, Pünktli, Komma, Strich,
fertig isch das schöni Gsicht
und zwei spitzigi Ohre, so wird si gebore.
Ritz, ratz, ritz, ratz, fertig isch die luschtig Chatz.



Refrain **Kommt wir wollen Löwen jagen**
Löwen jagen. Löwen jagen.
Kommt jetzt geht es los. Ist das da ein Löwe?

Nein, das ist ein hoher Berg. Da müssen wir jetzt drüber! *Ref*
Nein, das ist ein Schneesturm. Da müssen wir jetzt durch! *Ref*
Nein, das ist eine Brücke aus Holz. Da müssen wir jetzt drüber! *Ref*
Nein, das ist eine grüne saftige Wiese. Da müssen wir jetzt durch! *Ref*

...

Nein, das ist eine tiefe dunkle Höhle. Da müssen wir jetzt rein!

Uuh der Löwe, schnell durch die Höhle, durch die Wiese, über die Brücke, durch den Schneesturm, über den Berg ... Tür auf, Tür zu, geschafft

Takt abwechselnd mit Händen auf Knie schlagen und angeregt Szenen spielen nach einem Kinderbuch von Helen Oxenbury

*zusammengestellt vom Verein Familienrat Davos
anlässlich der Vorstellung des Projekts Buchstart
in der Bibliothek Davos am 1. April 2009
www.buchstart.ch*

BIBLIOTHEK
DAVOS

*Mehr Informationen für Familien und viele Hits und Tipps für Kids in Davos
unter www.familienratdavos.ch*



Hits für kleine Leute:

- offener, unverbindlicher Familientreff PIAZZA
freitags an Schultagen von 9:00 bis 11:00 Uhr, Milch-Arena, 2.Stock, Jugendtreff
- Bibliothek Davos
- in der Regel kostenlose Kinderanlässe der Kunstgesellschaft Davos
- ElternKind-Musik in der Musikschule für Kinder ab ca. 3 Jahren
- Märlistunde in der Buchhandlung Littera